

靈寶領教濟度金書卷

一百九十九  
之二百



靈寶領教濟度金書卷之一百九十九二百同卷

洞微高士開光救苦真人竄金真授

靈寶通玄弘教水南先生林靈真編

科儀立成品安宅齋用

九宮八卦燈儀

步虛  
灑淨

上香

伏以輪困結炁飛瑞藹於猊篝鬱勃生煙散  
祥光於鳳鼎彌綸六合曼衍九華先藝寶香  
遙伸供養

太上無極大道后土皇地祇五方土府大帝

坎宮一白天蓬星君坤宮二黑天内星君震  
宮三綠天衝星君巽宮四碧天輔星君中宮  
五黃天禽星君乾宮六白天心星君兌宮七  
赤天柱星君艮宮八白天任星君離宮九紫  
天英星君高皇九土四司五帝十二宮辰仙  
君土府一百二十坐方隅禁忌神君本家土  
地司命六神玄虛鑒察應感威靈仗茲寶香  
普伸供養伏聞乾坤定位昭經緯以裁成離  
坎辨方運陰陽而化育上斡天綱於次舍下  
提地紀於疆隅包羅八卦之常囊括九宮之



變孰主張是皆統御於仙靈有司存焉悉範  
圍於真聖主刑主德致異致祥凡瀆冒之潛  
加必眚災之隨至是以虛皇元聖妙有真尊  
開玉簡以敷羅宣金章而洞朗瓊燈遐照燭  
八方蒙翳之氛寶梵遙宣導三極虛明之景  
承符安鎮宣德衛嚴凡皈命以勤渠必開心  
而激越今有齋主某依依考室切切興家經  
之營之幸墜茨之口就美矣完矣慶蓬華之  
時成慮掘鑿或犯於天星而填塞有傷於地  
煞匪繇禳謝曷迓惠寧爰修安宅之齋肆演



燃燈之式肅消陰沴恪迓陽禧伏願淵聽昭  
回慈觀妙密敕地司官吏守封域以藏威宣  
土府神靈肅方隅而布惠俾齋主某身臻吉  
慶家用平安金絕七神合尊卑於泰定火蠲  
五鬼融內外於咸安三符無臨犯之虞衆煞  
平三  
免闔衝之咎一區翼翼震凌之風雨無侵三  
徑熙熙隱逸之煙霞自適遐邇均慶動靜僉  
寧稽首歸依无極大道

燈光普照天尊

臣衆等志心皈命坎宮一白天蓬星君星

中大聖真人玉女星宮神仙和諸靈官

伏聞太陰御化玄冥臨歲息之鄉天乙垂精  
隱元冠涵泓之野填坎維而布政尊子域以  
提封前奠民居俯羅神位今有齋主某克練  
時日爰作室家慮犯坎宮弔替太歲太陰將  
軍博士黃旛豹尾喪門弔客等神積致災危  
曷臻利樂謹遵玉笈宣演瓊科備香花燈燭  
之儀布宮卦方隅之象皈命坎宮一白休門  
天蓬星君伏願太乙呈祥仁王薦祉門庭有  
耀身心口常覆於卿雲春序無憂福祿壽永



昌於湛露蘭桂享日升之盛椿萱茂川至之  
華稽首皈依虔誠讚詠

信禮河圖一白宮休門天蓬星君

真靈蘊德

叶贊辰星

體仁保智

潤物流形

上應天蓬

平三隱元真星

恩推濟度

昭合仙經

災祥所居

如谷應聲

物蒙其祐

家室昌寧

和願得長生

燈光普照天尊

臣衆等志心皈命坤宮二黑天內星君星

中大聖真人玉女星宮神仙和諸靈官

伏聞初陰御化白帝臨博厚之鄉地二垂精  
洞明冠堅凝之野鎮坤維而布政尊申未以  
提封後奠民居俯羅神位今有齋主某克練  
時日爰作室家慮犯坤宮弔替太歲太陰將  
軍博士黃旛豹尾喪門弔客等神積致災危  
曷臻利泰謹遵玉笈宣演瓊科備香花燈燭  
之儀布宮卦方隅之象皈命坤宮二黑死門  
天內星君伏願攝提呈祥冲闡介祉松筠貞  
操百年固容膝之安梧竹英標五世極承顏  
之奉華蓋常臻於命域咸池母突於身宮稽



首皈依虔誠讚詠

信禮河圖二黑宮死門天內星君

坤元博厚 宏載无垠 諸天示象 德運化鈞

上應天內 洞明星君 提攜萬類 育養群倫

埋藏厭魅 利益黎民 消滅亡禍 保固靈椿

和願得長生

燈光普照天尊

臣衆等志心皈依命震宮主綠天衝星君星

中大聖真人玉女星宮神仙和諸靈官

伏聞少陽御化勾芒臨發育之鄉天三垂精

玄關冠滋生之野鎮震維而布政尊卯域以  
提封右奠民居俯羅神位今有齋主某克練  
時日爰作室家慮犯震宮弔智太歲太陰將  
軍博士黃旛豹尾喪門弔客等神積致災危  
曷臻利樂謹遵玉笈宣演瓊科備香花燈燭

平三

四

之儀布宮卦方隅之象皈命震宮三綠傷門  
天衝星君伏願成舉呈祥軒轅介祉俾昌俾  
熾門庭膺五福之華克蕃克豐眷序茂百齡  
之盛息風波於戶外宴日月於壺中稽首皈  
依虔誠讚詠



信禮河圖三綠宮傷門天衝星君  
大道著明 寂然玄靈 三綠運化 九炁生成  
上應天衝 飛罡破軍 流演洞章 度世延生  
供養尊禮 保固身形 藹藹蒼精 增注遐齡  
和願得長生

燈光普照天尊

臣衆等志心皈命巽宮四碧天輔星君星  
中大聖真人玉女星宮神仙和諸靈官  
伏聞重陽銜化赤帝臨浩蕩之鄉地四垂精  
北極冠扶搖之野鎮巽維而布政尊辰巳以

提封後奠民居俯羅神位今有齋主其克練  
時日爰作室家慮犯巽宮弔替太歲太陰將  
軍博士黃幡豹尾喪門弔客等神積致災危  
曷臻利樂謹遵玉笈宣演瓊科備香花燈燭  
之儀布宮卦方隅之象皈命巽宮四碧杜門  
平三  
天輔星君伏願明一呈祥招搖介祉于門駟  
馬迎袞袞之公侯荀宅八龍慶詵詵之孫子  
事業允昌於盛世嘉猷克著於清時稽首皈  
依虔誠讚詠

信禮河圖四碧杜門天輔星君



巽方惠迪 地戶回冥 天罡太乙 土府百靈  
上應天輔 開陽尊星 施行運化 滋養含生  
綿綿景福 永劫無傾 移逆就順 蕩蕩常清  
和願得長生

燈光普照天尊

臣衆等志心皈命中央五黃天禽星君星  
中大聖真八玉女星宮神仙和諸靈官  
伏聞沖和御化中黃臨純厚之鄉天五垂精  
丹元冠熙隆之野部八方而布政尊四界以  
提封周奠民居俯羅神位今有齋主某克練

時日爰作室家慮犯中央弔替太歲太陽將  
軍博士黃旂豹尾長門弔客等神積致災危  
曷臻利樂謹遵玉帛宣演瓊科備香花燈燭  
之儀布宮卦方隅之象皈命中央五黃天禽  
星君伏願天符呈<sub>以</sub>中虛介祉青春白日高  
堂未宴於松蘿霽月光風廣廈常懽於桑梓  
亘百世而箕裘克紹歷四時而絃誦相聞稽  
首皈依虔誠讚詠

信禮中宮五黃天禽星君

鎮星吐輝 普照八方 攝提萬象 罔越紀綱



上應天禽 廉貞中黃 賞善罰惡 佑善降康  
凶神惡煞 退遁潛藏 黃庭四鎮 我道日昌  
和願得長生

燈光普照天尊

臣衆等志心皈命乾宮六白天心星君星

平三

六

中大聖真人玉女星宮神仙和諸靈官

伏聞重陰御化黑帝臨廣漠之鄉地六垂精  
玄冥冠高澄之野鎮乾維而布政尊戊亥以  
提封後奠民居俯羅神位今有齋主某克練  
時日爰作室家慮犯乾宮弔替太歲太陰將

軍博士黃旛豹尾喪門弔客等神積致災危  
曷臻利樂謹遵玉笈宣演瓊科備香花燈燭  
之儀布宮卦方隅之象皈命乾宮六白開門  
天心星君伏願青龍呈祥昊成介祉千災電  
掃瑤光夕耀於門闌萬福雲臻紫炁朝籠於  
眷序五世積堆牀之笏百年華插架之籤稽  
首皈依虔誠讚詠

信禮乾宮六白開門天心星君

乾之資生 龍德含光 高明朗照 俗阜時康

上應天心 文曲乾陽 推運一炁 敷錫首祥



宮室寧吉 福祿綿長 消除凶咎 保鎮華房

和願得長生

燈光普照天尊

臣衆等志心皈命允宮七赤天柱星君星  
中大聖真人玉女星宮神仙和諸靈官

平三

七

伏聞少陰御化蓐收臨肅斂之鄉天七垂精  
真人冠登成之野鎮允維而布政尊酉域以  
提封左奠民居俯羅神位今有齋主某克練  
時日爰作室家慮犯允宮弔替太歲太陰將  
軍博士黃旛豹尾喪門弔客等神積致災危

曷臻利樂謹遵玉笈宣演瓊科備香花燈燭  
之儀布宮卦方隅之象皈命允宮七赤驚門  
天柱星君伏願元陽呈輝咸池介祉歲工七  
十二候常凝舍宇之懽聲道炁百千萬重永  
耀親姻之喜炁肅威神而退舍回刑煞以趨  
隅稽首皈依虔誠讚詠

信禮允宮七赤驚門天柱星君

虛明沖寂 唯道為根 上極无上 紫極帝垣  
上應天柱 星名祿存 森羅玄淨 表裏同分  
昭明威德 佐理乾坤 居保无咎 動合自然



和願得長生

燈光普照天尊

臣衆等志心皈命良宮八白天任星君星  
中大聖真人玉女星宮神仙和諸靈官

伏聞初陽御化青帝臨端靜之鄉地八垂精

陰精冠藏畜之野鎮艮維而布政尊丑寅以  
提封前奠民居俯羅神位今有齋主某克練  
時日爰作室家慮犯艮宮弔替太歲太陰將  
軍博士黃旂豹尾喪門弔客等神積致災危  
曷臻利樂謹遵玉笈宣演瓊科備香花燈燭

之儀布宮卦方隅之象皈命艮宮八白生門  
天任星君伏願太陰呈祥少陽介祉門開壽  
域遂十三義象之經營家衍福庭圓九五箕  
疇之志願襲詩書於世澤茂文獻之家聲稽  
首皈依虔誠讚詠

平三

信禮艮宮八白生門天任星君

至德懷仁 少陽變春 法天躔度 玄化日新  
上應天任 巨門星君 威權所運 保劫長存  
外而宮室 內及人身 悉叨化育 靡不安全和願得長生



燈光普照天尊

臣衆等志心皈命離宮九紫天英星君星  
中大聖真人玉女星宮神仙和諸靈官

伏聞太陽御化祝融臨長養之鄉天九垂精  
陽明冠光明之野鎮離維而布政尊午域以  
提封後奠民居俯羅神位今有齋主某克練  
時日爰作室家慮犯離宮吊替太歲太陰將  
軍博士黃旛貌尾喪門吊客等神積致災危  
曷臻利樂謹遵玉笈宣演瓊科備香花燈燭  
之儀布宮卦方隅之象皈命離宮九紫景門

天英星君伏願天一呈祥明上介社一枝挺  
秀門闌無鼠肝蟲臂之憂七世宗聯榮宗親有  
鳳翼龍鱗之喜湛蕃釐於夜无罔襲純嘏於朝  
陽稽首皈依虔誠讚詠

信禮離宮九紫景門天英星君

平三

九

三炁敷榮 九紫真英 炎光赫奕 盛德高明

上應天英 貪狼真星 統制祿存 照育群英

調理躔度 元亨利貞 太微華蓋 衛我身形

和願得長生

燈光普照天尊



向來闢祝九宮八卦神燈功德周圓伏以四  
正加臨八卦循環於地面三奇流遁九宮錯  
綜於天心自上下之炁交故彼此之神應聚  
廬櫛比若无疆界之殊居室鱗鋪自有方隅  
之別況天星而運行歲易而地煞之臨照時  
遷或致危迤敢忘叩謝向來奉爲齋主其恪  
遵聖範闢祝神燈徵星珮以舒誠哀月環而  
展敬羽章振響陶九軌之祥光梵炁彌綸藹  
十華之麗色雲笙縹緲鳳磬舒徐伏願齋主  
某天錫時雍神扶泰定貴神守宅却萬禍於

方來威曜臨門退千災於已往卜世卜年而  
流芳赫奕宜家宜室而積慶輝華任陵谷之  
變遷昭棟梁之凝峙公私安泰中外平寧倉  
箱垂燕翼之謀軒冕絕羊腸之險凡有謀望  
等賴攜持爲上因緣念三清无上天尊九宮  
捍厄天尊八卦護身天尊紫清降福天尊十  
方靈寶天尊

向來

靈寶領教濟度金書卷之一百九十九



靈寶領教濟度金書卷之二百

洞微高士開光救苦真人甯全真授

靈寶通玄弘教水南先生林靈真編

科儀立成品

安宅  
齋用

弧矢燈儀

平三

步虛

灑淨

祝香

伏以雲謁三宮寶篆散玲瓏之彩煙凝九府  
瓊篝飄鬱勃之華來和炁於玄虛襲祥光於  
碧落先焚寶香遙瞻供養

太上無極大道三清上聖十極高真瑤天星  
主紫微大帝周天三垣列宿星君北方玄武  
營室星君危宿星君雲雨星君雷電星君土  
公星君土公土吏星君南方朱雀井宿弧矢  
第一星回煌星君弧矢第二星上參星君弧  
矢第三星正良星君弧矢第四星妙用星君  
弧矢第五星內濟星君弧矢第六星大豐星  
君照臨土府無鞅聖衆地下九宮八卦十二  
宮辰十干四維方隅禁忌造作干犯一切神  
司仗此寶香普同供養



伏聞經緯雲羅成象昭昭於碧落陰陽星粲  
流形奕奕於黃垓上參瑤曆之常下察瓊維  
之變若稽乾象申究坤躔張弧矢以陸離土  
工是職握爐錘而橐籥地煞攸司翕張枝幹  
之縱橫網紀竒儀之進退熒煌鶉度照耀龜

平三

十一

圖凡激切以旼誠必殷勤而請命今齋主某  
經營作室卜築克家百堵皆興慮畚鍤或驚  
於原隰五材並用虞斧斤有冒於山林或掘  
鑿昧穀旦之差或填塞背嘉辰之建或籌維  
衰亘抵禁方而罔知或時日延長歷衰期而

莫覺易興災眚曷迓禎祥惟卒歲懷淑後之  
圖拊躬切切而卜年衍光前之策省己皇皇  
宜干主宰之玄曹庸輅裁成之洪貺科宣玉  
範燈列銀缸爍幽翳之陰氛振鬱汙之滯炁  
五宅明煥九室輝華伏願齋主某陰煞潛藏  
陽靈隲相上棟下宇巋然消無文之災東垣  
西墉展也萃有孚之慶公私迪吉中外和平  
稽首皈依无極大道

燈光无盡天尊

臣衆等志心皈依命无上辟土宮弧矢第一



回煌星君星中神仙和諸靈官

伏聞威光麗天耀華芒於六合靈輝垂地騰  
神景於四時有象皆瞻無幽不燭恭惟弧矢  
第一回煌星君稟七尺之玉相舒萬道之金  
光頂建七寶玲瓏衣冠衛士羅列衣垂九色

雲霞之帔從仙成群司艮寅甲卯之方正天  
地陰陽之位今有醮官某量徒築室授役興  
工切慮運甓構材搬木掘土觸犯寅卯二宮  
太歲太陰黃幡豹尾黃道黑道歲德歲刑弔  
客喪門素書博士金神獨火病符官符身黑

身黃撞命定命一百二十坐凶神惡煞流年  
流月流日流時弔替報壓臨犯寅卯方一切  
災星匪賴玄恩曷臻洪貺恭依藥簡鋪設芝  
壇備香花燈燭之儀布弧矢星辰之象皈命  
辟土宮弧矢第一回煌星君伏願休徵天開  
平三  
慶符神錫鼓琴鼓瑟六淫母撓於精神吹壘  
吹簫五炁常資於步武蔭芝蘭而挺秀合桑  
梓以凝華稽首皈依虔誠讚詠

信禮无上辟土宮弧矢第一回煌星君

回煌輝燭 萬物更生 肅清四海 寧謐八紘



上調綱紀 下總權衡 无幽不察 无願不成  
神功罕測 妙道難明 辟除土炁 品物咸亨  
和願得長生

燈光无盡天尊

臣衆等志心皈命无上辟土宮弧矢第二

上參星君星宮神仙和諸靈官

伏聞垂象森羅耀金經於碧落結精輝煥騰  
玉緯於清都上贊天工下霽帝化恭惟弧矢  
第二上參星君聳身藥珠之闕展臂河漢之  
維頂正一盟威之冠追呼六甲衣太上絳綃

之服役御百靈司乙辰巽巳之方正天地陰  
陽之位今有醮官某量徒築室授役興工切  
慮運甍構材搬木掘土觸犯辰巳二宮太歲  
太陰黃幡豹尾黃道黑道歲德歲刑弔客喪  
門奏書博士金神獨火病符官符身黑身黃

平三

十三

撞命定命一百二十坐凶神惡煞流年流月  
流日流時弔替報壓臨犯辰巳方一切災星  
匪賴玄恩曷臻洪貺恭依藥簡鋪設芝壇備  
香花燈燭之儀布弧矢星辰之象啟命辟土  
宮弧矢第二上參星君伏願道炁常臻魔煙



永滅疇推五紀  
仰雲蒙藹於家庭  
體備四時  
霽月輝流於眷序  
極潤屋潤身之樂  
耀學詩  
學禮之風  
稽首皈依  
虔誠讚詠

信禮无上  
辟工宮  
弧矢第二  
上參星君  
上參次宿  
光映八門  
流輝七政  
照耀三元

功同日月  
威被乾坤  
周旋三界  
護翊帝軒  
消災散禍  
屏穢滌氛  
辟除土炁  
普降珠恩  
和願得長生

燈光无盡天尊

臣衆等志心皈命  
无上辟土宮  
弧矢第三

正良星君星宮神仙和諸靈官

伏聞垂耀上玄散靈光於紫界流芒下土挹  
華景於玄虛勢列南樞位尊東井恭惟弧矢  
第三正良星君朝上帝於玉室禮元皇於金  
墉頂七靈大梵之冠開宏七部佩三台太微  
之服濟度羣迷司丙午丁未之方正天地陰  
陽之位今有醮官某量徒築室授役興工切  
慮運甍構材搬木掘上觸犯午未二宮太歲  
太陰黃幡豹尾黃道黑道歲德歲刑弔客喪  
門奏書博士金神獨火病符官符身黑身黃



撞命定命一百二十坐凶神惡煞流年流月  
流日流時弔替報壓臨犯午未方一切災星  
匪賴玄恩曷臻洪貺恭依藥簡鋪設芝壇備  
香花燈燭之儀布弧矢星辰之象皈命辟土  
宮弧矢第三正良星君伏願正炁旁敷靈光  
平三  
下映室家相慶雲聯富溢於萬鍾閭里均懽  
風動貴尊於九鼎建高門而啓旦處大廈以  
生春稽首皈依虔誠讚詠

信禮无上辟土宮弧矢第三正良星君

弧矢列曜 星維正良 名標上籍 位正中方

職司出處 功佐行藏 輝同翼軫 光徹氏房  
克消災變 密迓吉祥 辟除土炁 壽命延長  
和願得長生

燈光無盡天尊

臣衆等志心皈命無上辟土宮弧矢第四

妙用星君星中神仙和諸靈官

伏聞列曜垂光隨升沉而示象衆星煥彩由  
隱顯以流輝作帝權衡司民禍福恭惟弧矢  
第四妙用星君上離水木之炁外孕風火之  
災頂捲雲垂露之冠神威莫測衣伏虎降龍



之帔聖力難窮司坤申庚酉之方正天地陰  
陽之位今有醮官某量徒築室授役興工切  
慮運甓構材搬木掘土觸犯申酉二宮太歲  
太陰黃幡豹尾黃道黑道歲德歲刑弔客喪  
門奏書博士金神獨火病符官符身黑身黃  
撞命定命一百二十坐凶神惡煞流年流月  
流日流時弔替報壓臨犯申酉方一切災星  
匪賴玄思易 孫洪貺恭依藥簡鋪設芝壇備  
香花燈燭之儀布弧矢星辰之象皈命辟土  
宮弧矢第四妙用星君伏願家納蕃釐門消

幽珍百千萬事懽聲日擁於椿容三十六旬  
喜烝雲凝於桂宇麗天光之樂意消地累之  
非心稽首皈依虔誠讚詠

信禮无上辟土宮弧矢第四妙用星君  
妙用真星 不肅而成 書名仙籍 道備生靈  
清輝下燭 扶恠潛形 威嚴土府 澤潤寰瀛  
和風舒暢 瑞烝薰蒸 辟除土烝 萬福來并  
和願得長生

燈光无盡天尊

臣衆等志心皈依命无上辟土宮弧矢第五



內濟星君星中神仙和諸靈官

伏聞流景徘徊著徽名於金井凝精混沌垂  
美象於銀河高御天綱俯司土政恭惟弧矢  
第五內濟星君手執長生之柄心藏大道之  
根頂靈威五嶽之冠神藏指甲衣師寶九光  
之服教隱彈丸司辛戌乾亥之方正天地陰  
陽之位今有醮官某量徒築室授役興工切  
慮運甍構材搬木掘土觸犯戌亥二宮太歲  
太陰黃旛豹尾黃道黑道歲德歲刑弔客喪  
門奏書博士金神獨火病符官符身黑身黃

撞命定命一百二十坐凶神惡煞流年流月  
流日流時弔替報壓臨犯戌亥之方一切災  
星匪賴玄恩曷臻洪貺恭依藥簡鋪設芝壇  
備香花燈燭之儀布弧矢星辰之象版命辟  
土宮弧矢第五內濟星君伏願流慶亦淵降

平三

十六

祥如嶽乾龍坤馬天開壽域於門闌坎兔離  
鳥地闡福庭於姻族艷綺羅而天與饒絲粟  
以春融稽首皈依虔誠讚詠

信禮无上辟土宮弧矢第五內濟星君

內濟司耀 嘉禾同流 所禱如願 善應心所求



清輝有象 秋尊潛收 或終或始 主春主秋  
上翊帝廬 下振羣謀 辟除土炁 與神同遊  
和願得長生

燈光盡天尊

臣衆等志心皈命无上辟土宮弧矢第六

大豐星君星中神仙和諸靈官

伏聞照地東流奮威光於芒角隨天西轉耀  
靈彩於鉤凌奕奕東升拳拳北拱恭惟弧矢  
第六大豐星君起煙雲於掌上致風雨於日  
前頂七炁琴尾之冠心懸壽鏡衣八彩寶霞

之服身處福庭司壬子癸亥之方正天地陰  
陽之位今有醮官某量徒築室搜設興工切  
慮運甃構材搬木掘土觸犯子丑二宮太歲  
太陰黃幡豹尾黃道黑道歲德歲刑吊客喪  
門奏書博士金神獨火病符官符身黑身黃

十三

十七

撞命定命一百二十坐凶神惡煞流年流月  
流日流時吊替報壓臨犯子丑之方一切災  
星匪賴玄恩曷臻洪貺恭依禁簡鋪設芝壇  
備香花燈燭之儀布弧矢星辰之象皈命辟  
土宮弧矢第六大豐星君伏願正炁扶持靈



光照耀宜家宜室五福川至於行藏肯構肯  
堂三壽山齊於動靜衮衮耀維牀之笏熙熙  
華挿架之籤稽首皈依虔誠讚詠  
信禮无上辟土宮弧矢第六大豐星君  
弧矢之中 星尊大豐 莫測神變 孰識神功  
靈光所臨 斷滅邪兇 位居第六 權主正東  
安人護物 道德日隆 辟除土炁 下扇真風  
和願得長生

燈光无盡天尊  
向客關祝辟土弧矢神燈並已周圓伏以衆

星拱北辰之尊熒熒化育六曜近南極之邃  
奕奕統臨雖名弧矢以宣威實顯權衡而輔  
德仰觀俯察興家既藉於天光後築前營考  
室宜消於地禁臣向來奉爲齋主某人某事  
關祝弧矢星燈伏願明星煥彩暗曜韜輝七  
煞三刑毋犯福德之位九良五鬼免臨吉慶  
之方定命撞命以收威金神匱神而斂暴即  
使齋主某千災電掃萬福雲臻舉案齊眉周  
澗克符於樂事扶牀坐膝謝庭永紹於芳猷  
合桑梓以熙熙會松蘿而穆穆狼星息警坐



觀倉庫之山崇鷄曜收威永絕門庭之原燎  
公无九橫私有千祥為如上緣請聖明證念  
三清无上天尊福生无量天尊五龍安鎮天  
尊

向來

平三

十八

靈寶領教濟度金書卷之二百

共列

